



Broj: 07-04-04-7728-66/23
Sarajevo, 22.05.2023. godine

KANTON SARAJEVO
Skupština Kantona Sarajevo
n/r Elvedin Okerić, Predsjedavajući
- o v d j e -

Predmet: Odgovor na zastupničku inicijativu

Zastupnik u Skupštini Kantona Sarajevo Elvis Vreto, u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), na Petoj radnoj sjednici Skupštine Kantona Sarajevo održanoj 24.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničku inicijativu za "planiranje sredstava i uvođenje programa poticaja/sufinansiranja kod ugradnje solarnih panela za proizvodnju električne energije, sistema toplotnih pumpi i slično, kako za individualna domaćinstva, tako i za poslovne subjekte u Kantonu Sarajevo, kao odvojena dva programa".

Odgovor:

Nakon detaljnog razmatranja predmetne inicijative zastupnika u Skupštini Kantona Sarajevo Vreto Elvisa, u dijelu ove inicijative koji se odnosi na "planiranje sredstava i uvođenje programa poticaja/sufinansiranja kod ugradnje solarnih panela za proizvodnju električne energije za poslovne subjekte u Kantonu Sarajevo", Ministarstvo privrede Kantona Sarajevo, u okviru svoje nadležnosti, daje sljedeći odgovor: Prije svega, Ministarstvo privrede Kantona Sarajevo ističe da je na snazi Zakon o koncesijama ("Službene novine Kantona Sarajevo", br. 27/11, 15/13 i 1/22). Članom 6. stav (4) ovog Zakona o koncesijama propisano je sljedeće: "**Pravno ili fizičko lice koje je vlasnik i/ili korisnik mikropostrojenja za proizvodnju električne energije iz obnovljivih izvora energije na području Kantona, instalisane snage u zbiru do 23 kW, izuzeto je iz obaveze potpisivanja koncesionog ugovora.**". Naime, ovu odredbu kojom se odnosni subjekti izuzimaju iz obaveze potpisivanja koncesionog ugovora, Ministarstvo privrede Kantona Sarajevo, kao nosilac izrade Zakona o izmjenama i dopunama Zakona o koncesijama ("Službene novine Kantona Sarajevo", broj 1/22), predložilo je iz razloga - da se u ovom slučaju radi o mikropostrojenjima i da se proizvodi električna energija iz obnovljivih izvora energije ("zelena energija"), kojim se u Kantonu Sarajevo poboljšavaju okolišni aspekti i odnosni aspekti u elektroenergetskom sistemu, te da se ovom koncesionom pogodnosti stimulira ulaganje u izgradnju i korištenje ovih postrojenja za proizvodnju električne energije, čime se postižu, pored ostalih, ekonomski efekti i smanjenje broja nezaposlenih. Dalje, a u baznoj vezi s tim, kad su u pitanju podsticajne mjere za korištenje obnovljivih izvora energije (OIE), u koji izvor spada i solarna energija koja se putem određenih

postrojenja pretvara u električnu energiju. treba posebno istaći činjenicu - **da su ove podsticajne mjere regulirane odnosnim odredbama Zakona o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14).**

Također, u vezi sa navedenim, treba istaći činjenicu - da je Zakon o koncesijama ("Službene novine Kantona Sarajevo", br. 27/11, 15/13 i 1/22) u cijelosti usklađen sa Zakonom o koncesijama ("Službene novine Federacije BiH", br. 40/02 i 61/06), kao i činjenicu - da bilo koja odredba Zakona o koncesijama ("Službene novine Kantona Sarajevo", br. 27/11, 15/13 i 1/22) nije u suprotnosti sa bilo kojom odredbom Zakona o električnoj energiji u Federaciji Bosne i Hercegovine ("Službene novine Federacije BiH", br. 66/13, 94/15, 54/19, 1/22 i 61/22) i Zakona o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14), a koji zakoni su na snazi.

S obzirom na navedeno, proističe zaključak - da je neosnovana predmetna zastupnička inicijativa u dijelu ove inicijative koji se odnosi na "planiranje sredstava i uvođenje programa poticaja/sufinansiranja kod ugradnje solarnih panela za proizvodnju električne energije za poslovne subjekte u Kantonu Sarajevo". Kad je u pitanju set novih zakona: Zakon o energiji i regulaciji energetske djelatnosti u Federaciji Bosne i Hercegovine, Zakon o električnoj energiji Federacije Bosne i Hercegovine i Zakon o korištenju obnovljivih izvora energije i efikasne kogeneracije, koji zakoni su sada u fazi nacrtu zakona, Ministarstvo privrede Kantona Sarajevo, ovim putem, napominje - da se ne mogu prejudicirati zakonska rješenja koja su u proceduri donošenja.

S poštovanjem,



Dostaviti:

1. Naslovu,
2. Vlada Kantona Sarajevo,
3. Evidencija i
4. a/a.